




福建列女傳卷五上

節烈一 閩縣

林昭珽嘉定進士羅國獻妻子歸甫半載夫出按滇中殉難氏居閩長齋誦經終以上宋

劉氏前行省都事賈訥母大德間以上元

張氏王英妻夫客死氏扶柩還葬洪武初有武臣欲以重賄逼致之氏矢必死置刀自防竟全其節

陳坤正王賓興妻于歸甫五載夫歿子四歲陳欲從夫於死以舅司鐸粵東始年老不忍以孤雛重爲姑累乃忍艱撫孤尋舅亦解官歸孝養惟勤子國有補郡弟子員孫曾多登賢序

劉氏王復之妻夫病篤疑少婦不能爲孤地劉乃咬一指殉棺中孀守終張氏王華石妻撫幼孤課孫曾成立苦節九十載終

王氏楊和生妻夫亡子永尙幼家貧苦守後永登宣德進士官御史

福建列女傳節烈 閩縣

福建通志
總卷四五

林秀卿楊文正妻夫歿上奉翁下訓二子守節六十八年壽九十四子淑玉廩生孫一謨嘉靖乙未進士官貴州參議

羅氏楊珙妻年二十寡撫一子二女力貧教之子復卒楊嗣遂絕羅氏依女以居志操彌勵

王氏楊源繼妻夫卒撫嫡子澄如已出勤女紅以養老姑後澄領鄉薦典教諸暨時胎俱迎養翰林修撰王鈺扁其堂曰甘節年八十二卒

潘氏陳啟妻子傳正統進士

林氏陳鳳岐妻子聯芳嘉靖進士

張氏陳正謨妻子公陸嘉靖進士

唐氏陳暉妻夫亡無子以夫姪定爲嗣定又卒撫孫良默艱苦七十餘年胡氏陳瑤妻夫死無子誓不重適其婦王氏夫住亦早夭或勸改適王曰獨不愧夫嫂耶婦相相依遂各立後以六年終

張氏陳賢妻夫弱死氏產遺腹子家貧舅姑老氏日則授女徒夜則辛勤

紡績焉

林氏陳紹惠妻夫死子寬方週歲晝夜勤生理以撫孤寬又卒撫諸孫壽七十餘

黃氏陳時起妻舉人陳堯若母夫歿矢志存孤奉翁姑甘旨不衰

鄭氏參政陳全妾生子邦凍夫卒撫孤成立凍又卒偕婦林氏孀守數十年育孫國楣孫婦林氏又寡遺孤世任

王氏陳穎封妻夫客死氏不忍火夫柩貧甚日兩食無完衣常號泣以運櫬爲念衆憐其節助葬之

林淑琬陳昌大妻夫卒姑老子幼孀守五十年子懋莊鄉塾遲歸氏輟食哭曰爾父不能繼武北山公爾復放縱恨不早從九原矣子跪床下夜分色解乃起

高氏舉人鄭世澤妻子餘慶正統舉人

鄧氏鄭坦妻性聰慧能口誦列女傳孝經坦卒父母憐其少微諷之鄧引福建列女傳節烈 閩縣 二 福建通志 總卷四五

刀斷兩耳以坦弟子雲鑄爲後年八十餘卒雲鑄舉隆慶鄉薦氏著有風教錄讀岳鄂王傳詩云英雄誓復舊山河爭奈奸邪誤國何鐵馬長驅河洛水金牌亟返鄖城戈中原父老空遮訴南渡君臣不恥和五國城頭烟月慘千年墳樹盡南柯

張氏諸生鄭洛妻子耀萬曆舉人

林氏鄭鏗妻夫與兄俱死母年七十餘其婦遺孤於林而別嫁林痛夫死姑老而婦所遺孤與已子俱幼矢志不嫁躬採薪拾穗以養姑二年子又殤族黨歲輸穀食之後姑死林爲喪葬且代婦所遺孤婚娶焉

林淑珍鄭龍睦妻夫卒於官矢節撫孤五十三年喪葬無憾

陳氏舉人李烜妻天順間夫會試場屋火死焉氏年二十九舅姑老子賓四歲家貧甚拮据營葬養遺孤

劉淑馨李岳妻寡時男六歲內外期功無一足恃艱難備嘗其後二孫同領鄉薦次孫廷美登甲第瓊山邱濬銘爲甘節之堂

王氏李海若妻潮州學博王澄泉女夫早卒生子時健又卒媳與氏張撫
兩世孤俱以壽終

林氏高明妻子圭天順舉人

黃氏林濬妻子宏綱弘治歲貢

王氏舉人林忻妻子文讚弘治進士

許氏林紹妻孫堪嘉靖舉人曾孫材萬曆進士

何淑姿諸生林廣妻寡時子擇始生矢死守節後擇先母卒妻朱氏亦堅
忍奉姑

陳氏林焯妻夫客死氏年二十九攜孤懋和歸撫教之後懋和官至方伯
氏年八十餘卒

陳與姐林鏡妻長樂太僕寺卿文沛之女適林而夫早夭氏慟不欲生姑
解之曰婦有娠今幸而生男可延一線之脈氏忍死以俟彌月舉一男甫
週而殤氏慟哭幾絕姑又再三解之曰婦當事我餘年氏遂屏葷茹素奉
福建列女傳 節烈 閩縣
姑至耄不懈

三

福建通志
總卷四五

郭氏葉時彥妻年二十八寡其子理娶婦朱氏年二十二亦寡遺腹孤順
二婦撫而長之

陳氏葉英妻子繼熙嘉靖舉人

林氏葉維節妻年二十七寡養姑撫嗣不易其志

葉氏劉文賦妻孫世揚正德進士

王氏劉璵妻夫亡無子撫二女嫁之以節終

陳氏鄧煒妻子原玉嘉靖舉人

吳氏鄧標妻侯官人夫卒遺孤煌三歲課督成立

孫氏張連妻曾孫炳萬曆舉人

趙氏張一鵠妻武舉天球母也夫病刲股以進不效毀形以節終

徐氏張岱妻岱死截髮誓不嫁時舅年七十雙瞽夫又無子氏鬻田園置
妾蔣氏以奉舅局一室南啟小牖進飲食北穿小竇出溲便具曲意事蔣

三年蔣生男世崇二歲而舅卒蔣亦不嫁與徐共撫以終

楊氏趙國泰妻孀居家貧姑劉氏失明病篤氏叩天請代割股和藥以進姑病愈眼復明當事奏聞每歲賜穀十石

吳氏趙聰妻侯官人夫卒姑疑其有異志吳揣知泣曰既為趙氏婦義當為趙氏守況又有老姑幼子乎惡笄垢服日為鄉鄰女子師則躬紡績以給二子為學後長子正領鄉薦次子曾舉明經同赴京師吳諭之曰若得官江南可便道歸視吾明年必從女父於地下矣正授電白訓導曾授本郡學訓導抵家省視吳已得疾相見數日卒

鄭氏余尙春妻夫客死氏扶櫬歸祖姑及姑又相繼亡家貧三喪未舉或勸從俗火葬鄭不從葬之以禮後子亮領景泰鄉薦

李淑善曾理瓊妻夫卒子幼茹荼勵操將卒正襟端坐召子孫教戒之乃終

陳氏知府孟圯繼妻子高弘治舉人

福建列女傳

節烈

閩縣

四

福建通志
總卷四五

鄒氏莊宏紳妻子嚴嘉靖舉人

曾氏學正羅惟遠妻年二十七而寡惟遠前妻子一驚氏撫之如已子夫素慷慨好施氏咸將順夫死有姻家負其金二百氏取券焚之曰吾夫志也嘉靖間以子貴封恭人

林氏方山黃某妻夫亡子智在乳誓不再醮撫智成立為延平訓導

董氏諸生孫逢機妻連江人夫亡撫孤甫七歲氏嚴督課每踰闔遊戲輒令跪不與飲食夜績坐孤於側令誦所業不丙夜不休精治葛細如穀人稱節婦葛爭原售之藉以奉甘旨後孤亦成名

潘氏謝職妻夫歿舅姑老而貧未幾舅死姑又盲朝夕扶持既卒奉柩合葬蠶績給孤其後子錦為雷化訓導

林與芳吳爾雅未婚妻尙書林燦孫女幼許吳而夫卒女年十六欲奔喪父母難之女重違父母意齋素自持不履閩外者十二年臨死曰葬必歸吳台寧念佛而瞑

廖璧彭夢槐未婚妻十八歸彭有期夫舟行溺死女聞訃卽欲自經母防視弗獲乃請於祖母及母往視殮撫屍慟哭屍泫泫出淚口鼻血迸流氏爲舐之遂守喪不去

陳益使林佐未婚妻佐未娶而卒氏持齋誦經壽五十

王淑京薛高未婚妻未行而夫夭女欲奔喪其兄以未承父命不許無何父卒於南都女編衣茹素科髮垢容坐卧小樓上九年其翁乃立長子之子爲嗣備禮迎女初高有婢如珪侍病者也感婦義亦不字三年遂嘔血死

王懿恭陳志選未婚妻未婚而夫卒氏奔陳矢志三十年獨居小樓飲食以小筐引繩而上毀容減飾病劇預知死時日沐浴整鬢瞑坐端然而逝程正卿陳國璽未婚妻年十四而夫歿正卿素服哀號奔喪以新婦禮謁翁姑乃泣謝曰非不欲代夫奉甘旨也恐以未亡人爲翁姑憂且母年老須歸視寢食不敢受翁姑絲粟遂回母家勤紡績備甘脆奉母必兼奉翁姑

福建列女傳

節烈

閩縣

五

福建通志
總卷四五

周敬諸生王翼未婚妻年十二母歿外戚令與兄均分險飾女曰安忍觀此惟視父膳寒煖及哺幼弟餘無所問崇禎庚午夫卒父祕不使聞女偵知縞素哭五晝夜水漿不入口遂歸王門立嗣不返朝夕禮拜其夫像及姑歿並祀之有表姊劉氏者亦嫠也晚年與之相依長齋事佛俱苦節終以上明

伍氏貢生彭佐聖妻夫歿紡績課子

余氏林棟妻養姑撫子

甘氏林鴻馨妻夫病刲臂爲羹以進不效痛欲殉以太姑幼子故勉爲未亡人孝謹無違禮孤逾年殤又立嗣子長娶戴氏復天氏與婦矢志不二

紡績糊口

以上康
熙間

劉氏林澤妻夫死絕粒旬餘身有娠母慰勸之乃不死苦節撫孤

石琨諸生林統妻立夫姪爲後紡績爲夫營窀穸

李氏林士鳳妻夫死截髮投棺中誓無二志舅姑歿盡出所積營葬舅姑及夫柩撫男女成立

翁氏諸生林宜光妻夫疾篤刲股籲天請代不效勉從姑命撫育二孤丁氏林緯妻夫歿絕粒七日不死承翁命撫孤篝燈課子雲龍成立

陳氏儒士林士騏妻夫亡矢志撫三孤孝養舅姑孀守六十一年

羅輝莊林充漢妻寡無子孝養舅姑立夫兄子爲後又殤復擇繼嗣足不踰閭病不延醫

陳氏諸生林際泰妻夫死撫三孤成立事姑孝謹

王氏林鑑妻夫歿氏矢志事翁撫子艱苦備嘗

陳氏諸生林祖發妻夫病篤刲股以療不愈遂投環以救免孀居撫子三十五年

范氏林良誠妻夫死勤紡績以奉舅姑育孤子勵節三十九年

邱氏林德懋妻夫歿欲以身殉念姑老子幼矢志苦守勤紡績奉甘旨惟

福建列女傳 節烈 閩縣

六

福建通志
總卷四五

謹孫劒光成進士

劉氏林仲妻嗣子星章道光丙戌進士

李氏林煥妻星章生母

李氏儒士葉長青妻撫孤銓長娶何氏而銓歿何無出絕粒投環李諭止之相依同撫嗣作鵬成諸生何故豐園甫入門卽嚮以紓姑急及姑歿盡斥所有以襄事

廖氏林應鯉妻夫卒家甚貧廖矢志孀守歷年七十五病篤其子宏裔籲天刲股飼之

鄭氏張國奎妻夫歿投繯奔井俱以救免姑泣曰爲我存兩孤乃不死已而次孤殤婦意今一雛可以累姑走投江漁者舉網截浪得不死載還姑疾剪肝雜糜療之族有亡賴子造嫚書誣婦婦恚以刀割左耳姑與氏父訴邑令未得白婦曰誣不白聽惡言何爲復割右耳巡撫卞永譽廉知檄縣取狀示期設座觀者如堵牆令隸捧兩耳遍示觀者隨閱嫚書每一行

命批頰數十仍杖之論戍邊國人快之越數月兩耳更生輪廓悉具

陳氏林正齋妻于歸甫六月夫亡以女紅供養老姑撫遺腹子振宗讀書一日歸寧外戚譏以別適氏以石槌胸暈絕復甦立即奔歸十年不至父家

程氏林永器妻撫遺腹孤紳舉明經皆程課督

溫氏林在岐妻翁老家貧堂有太姑氏竭力女紅供甘旨撫孤成立

方氏林君政妻撫遺腹孤娶婦而子婦俱亡氏孤苦無依晚節彌艱閭里哀之

程氏林元秀妻生子世英二歲而夫卒孀守以終世英娶丁氏年二十四而世英亡遺腹生男永祿娶孫婦周氏方四載而永祿又喪乃以夫姪之子永祚承嗣

鄭氏林永壽妻夫亡子興瓊方七月矢志孀居訓子成立

黃氏林天培妻歸二年夫卒子甫八氏撫孤孝養翁姑

福建列女傳

節烈

閩縣

七

福建通志
總卷四五

劉氏宜陽縣丞林錦立妻夫死父欲奪其志不可卒攜幼子歸閩不下樓者五十餘年

歐氏武舉林起鳳妻夫以計偕卒於道撫孤三十一年

陳氏林賢經妻順昌訓導天昌女守節三十三年

鄭氏林振基妻夫疾革乃于歸次日夫卒立嗣以節老

藍氏諸生林飛龍妻早寡姑老病氏負以出入勤紡績奉姑自採菹葉以充食督孤志仁讀或勸使孤習吏事氏曰卽餓死亦當世世讀書後志仁舉於鄉

郭氏林伯宗妻夫亡返父家父欲奪嫁之氏買舟逸既而立嗣又錫依女家以節終

宋氏林捷春妻未嫁時刲股療母疾及孀守又刲股療姑疾完節終身

張氏林廷亨妻夫兄亦同時歿氏與姒吳氏同心守節各撫一子

吳氏林振本妻于歸數月而夫病越三年病篤氏刲股以進弗效勤十指

以養耄姑並撫嗣子食貧茹苦數十年

魏氏諸生林亮北妻訓子有法

何氏林元振妻與妯李氏稱雙節

趙氏林占芳妻與繼姑李庶姑蔡稱三節

樂氏許正冠妻子汝培戊子舉人直隸教諭

鄭氏林超捷妻奉事翁姑撫養嗣男賡鵬歲貢生 道光閒

陳壬使儒士楊學佐妻夫卒絕粒逾旬勉從姑命強活撫孤

林氏楊必謀妻翁姑暮景撫二孤三十餘載 以上康熙閒

李顯姐楊子觀妻夫卒孤甫四月矢志撫孤孝養舅姑

紀氏楊鏗祖妻無子家貧忍饑餬守孝事老姑艱辛備至

林瑤葉汝棟妻生一女而夫亡勤十指奉姑與其女茹糠粃酷寒無衾抱

持而泣兄開州牧遜憐之迎歸猶月弄夜績錢以供姑爲嗣子天祚娶婦

方氏諸生葉聯雲妻事姑撫二孤長彌遊庠次家臣入成均 以上雍正閒

福建列女傳節烈 閩縣

八

福建通志
總卷四五

孫氏李若霞妻夫病刲股籲天不效事垂白翁姑撫教二藐孤成立

陳氏李兆魁妻日夜紡績得升米以事翁姑撫子成立

林氏諸生李德純妻純病革氏刲股調藥撫二孤長寧梅侯補州牧次肇

杏明經

黃氏李天器妻撫孤子平章成立

陳氏李文鶴妻子慎修在抱撫孤成立

黃祖姐李鍾書妻孝事翁姑撫二孤九河九江俱底成立

王氏舉人李建極妻撫孤雲龍蘇州通判

林氏李學熾妻嘗刲股療姑

陳氏趙銓妻夫以耽書病瘵氏糜臂肉以進夫覺不忍食曰我天數也所

以不瞑者翁姑老不及奉若能以婦代子拜賜多矣幼子洵方倚床夫復

指而泣曰此亦爾累也夫卒事翁姑克孝家貧力女紅並日而食子洵癸

已進士任邵武教授 康熙閒

鄭氏趙嗣猛妻立夫姪爲嗣撫之成立

張氏諸生趙颺妻子尤溪教諭學天

魏氏趙守芝妻子和變遊庠

王氏潘士澄妻善撫三孤爲舅姑營窀穸

陳氏潘大綱妻撫二孤成立葬三世五柩

陳氏潘聖惠妻子德康婦林氏姑媳相依負土卜葬三代柩力撫二孫

林淑蓁鄭以桐妻撫夫姪爲嗣迄於有成

王氏鄭肇績妻事姑撫孤艱苦備至

劉氏鄭彥楊妻事翁姑撫育遺孤

任金姐鄭乾生妻夫歿生一女亦早夭家貧百計奉養舅姑舅姑歿喪葬

盡禮立夫姪爲嗣

林珍闊鄭德光妻撫子廷昊成立

林珠使典吏鄭鏗妻撫孤成立

福建列女傳

節烈

閩縣

九

福建通志
總卷四五

莊月杼鄭光采妻夫病焚香請代刲股以進不效資女紅以供姑擇嗣男

韶華爲後

陳氏鄭有開妻子醇耀甫七月撫之成立

潘氏鄭若琬妻夫亡斷髮見志

陳氏鄭建德妻夫歿氏斷髮自矢

趙氏鄭允友妻夫以痼疾辭婚氏自請歸鄭以待湯藥

伍氏王履泰妻矢志撫子竭力爲先人營葬

陳氏王枚功妻爲夫存嗣營葬翁姑及夫柩

以上雍正間

陳景源諸生王延璉妻夫病刲臂調藥不效矢志撫孤姑疾侍湯藥罔懈

李氏王爾光妻出十指力供菽水撫三孤孫景賢舉人

曾氏王瑾甫妻撫三孤長騰卿次爾雅季馴卿俱克成立

黃氏王君盡妻遺孤四齡氏鞠育至長娶婦林氏而子復歿與婦共撫三

孤

蔡氏廩生王鴻烈妻家貧舅姑已老矢志教遺孤紹基

張氏王德運妻生子四月而夫歿舅姑已老仰事俯育子娶婦復天與婦黃氏撫孤長成

張氏王國巖妻夫亡斷髮矢志

何氏王廷傑妻夫亡再投繯俱救免復投井援之以肱橫井竇不出姑泣曰如不出我相繼下乃出

梁氏王幹妻夫歿孤甫六歲勸女紅以奉舅姑後營葬二老及娶媳皆以身任之

張氏王其藻妻未育男女或勸改適氏矢志不渝爲夫立嗣

林氏諸生陳君式妻事姑與庶姑撫三孤俱成立

吳氏陳宏木妻子文煥病婦鄭氏割股愈之逾年病劇目鄭曰吾母早歲孀居撫予以老今爾亦僅一子子弱母子之命皆係於爾乃承遺命撫子

成立姑吳氏因痛子得病醫言人乳可治鄭乃斷乳以乳姑經年獲愈

福建列女傳節烈 閩縣

十

福建通志
總卷四五

鄭茂鸞諸生陳一棟妻一棟隨父之官卒遺孤兆盛甫三月計聞欲殉者屢因姑毫奉姑撫子歷節六十餘年壽八十三

吳氏陳正暉妻撫孤孤殤擇嗣督課有成事舅姑以孝聞

游端宋陳大亨妻時方征興泉大亨往軍前獻靖海策奉巡撫吳興祚委回省過烏龍江遭風溺死氏尋夫屍沿江哀哭屍浮出氏收斂畢卽欲投

水以殉從父命撫孤教授女徒以資饋粥屋被火戚屬鳩金爲營數椽氏以姑及夫柩暴露復賣屋營葬娶婦王氏割股以療氏病

張氏陳士俊妻撫孤禮珪又歿媳張氏亦矢志奉姑課子成立

王淑桂諸生陳守仁妻知縣王欽祖女夫病篤氏割臂和藥愈之越五年得一男而夫卒年二十六事翁姑哺孤子備歷艱辛

林氏諸生陳必奮妻夫亡屢投環被救勤十指撫三孤奉舅姑必以旨甘而自食糲糠野菜二老歿拮据營喪葬次子光泰舉於鄉歿婦李亦節終

林氏陳尙猷妻撫養孤兒

朱氏監生陳春升繼妻刲股療夫不效完節終

劉懋資陳肇社妻夫故僅二女姑老目瞽氏孝養備至撫二孤女長成擇配訓嗣子成立

劉氏諸生陳士琳妻以義方撫三孤後皆遊庠

林淑朝拔貢陳治溥妻夫以選拔入都病故撫姪爲嗣事舅姑克孝

俞氏諸生陳清江妻典鬻服飾營翁姑葬撫育嗣孤以女紅自給

林氏陳瀚侯妻姑老病奉侍惟謹撫二子成立

游氏陳龍峯妻撫育二孤成立

張矜貴陳康珩妻擇嗣承祧事老姑孝謹彌篤

江氏陳衣萬妻夫死於水盡力事姑嗣子初週撫之成立衣服修脯皆從

氏針黹中出

柯氏陳文潯妻事祖姑與翁盡孝幼叔未婚氏提挈之

阮氏陳長庚妻遺腹孳生養老姑撫孤子孝慈兼盡子文炳有聲庠序

福建列女傳

節烈

閩縣

十一

福建通志
總卷四五

李氏陳道泳妻與姑林氏共矢苦節奉事無違

姜氏陳廷美妻夫疾刲股以進不效投繯以救免

官氏陳錦章妻投繯被救以刀斃面立嗣士驚復天與婦梁氏同守

翁氏陳恒商妻夫患閼疾歸後又寡既而嗣又夭哭喪明

吳氏陳仲業妻刲股療夫不效

吳氏陳容蘭妻連江人夫歿刲股療姑疾

謝氏陳道泉妻子瓊宴舉人

余氏諸生陳廷燮妻嫡子賡元嘉慶戊辰進士

林氏陳必貴妻子起鳳臺灣千總

馮氏貢生陳錦堂妻通經籍明禮教課子奉姑孝慈兼盡

方氏謝人騏妻事翁姑盡孝撫遺孤紡績佐讀

王氏謝宏水妻夫亡遺腹有娠乃強活既生男復天擇夫姪爲嗣力貧事

舅姑

葉氏諸生陳聯芳妻夫卒家徒壁立氏女紅撫孤姪生半月失恃氏曰吾翁後只兩孫耳撫猶已出後子姪俱成人

蔡氏監生陳日輝妻夫卒氏矢志撫孤課督二子成人

林氏陳敦夫妻年二十二寡事姑教子守節四十三年

曾氏武生謝琦妻夫卒子欽明方五歲饘粥無資躬操作治生產奉舅姑年至七十餘旦夕扶持甘脆無缺撫孤守節

林氏謝克聚妻夫早夭矢志撫孤年七十餘卒

陳氏謝齊彬妻子國標守備

翁氏張士亨妻矢志撫孤歷三十餘載

林品官張繼及妻夫夭矢志撫孤有成

劉氏張得器妻夫亡孤又歿與媳郭氏相依

齊氏張建成妻食貧撫孤成立

吳德臻張隆妻夫病瘵卒氏鍵戶自經為姒救得不死撫夫姪履謙為嗣

福建列女傳 節烈 閩縣

三

福建通志
總卷四五

陳氏張彥妻夫歿奉姑育子

柯氏張能容妾生子八月夫亡家貧嫡利其嫁以自養柯泣曰妾朝去孤必夕亡如主何乃蓬首椎髻日祿孤兒出傭春作樵汲得錢數十或米屑

糲糠歸以奉嫡

湯氏張開子妻夫亡欲從死以未立嗣續先世四柩未葬忍死與夫從母

陳相依共處一小樓陳亦孀婦也陳歿後依寡姊羅姓卒拮据舉五喪以葬

林氏劉佺堪妻夫卒僅一女立夫兄子為後訓以義方克底成立

王氏諸生劉克莊妻貧寡勤紡績忍饑寒苦守三孤俱成立

林仕德劉經妻貧居力勤以奉舅姑撫兩弱媳慈而能教養年子歿辛勤

課孫

朱氏羅鉉生妻寡事姑育子歷五十載

陳碧芝羅正楷妻夫歿時年二十六矢志事翁姑撫遺腹孤兒

林氏何茂猷妻夫卒子兆鉉五昌俱幼舅姑相繼亡氏鬻簪珥以治二喪葬三世五棺兆鉉娶黃氏亦寡兩妻相依林病篤黃籲天請代旋愈

陳景銓何裕妻少明大義事親孝且涉經史夫遭重疾氏刲股和藥籲天以身代病卒不起屢投繯吞珥皆以救免水漿不沾口者七日兩家尊親泣諭之乃不死舅姑歿兄公夫婦繼卒氏泣曰吾夫久未議嗣今伯雙亡奈何因擇從子應舉教以讀書入成均嘗置祀田葬先柩並周貧乏

林氏何肇城妻夫歿事孀姑盡孝撫夫弟成立子名言名魁俱遊庠金氏何正禧妻蘇州人夫卒於吳氏扶櫬歸閩守節

林氏監生何麗中妻幼事父母惟謹夫以兄鵬程歿一慟嘔血而卒氏長孤僅週歲次尙孕忍死撫育

周氏諸生魏開業妻隨夫僑居蘇州夫以待翁病成疾不起尋舅又逝氏挈少孤瑛奉兩櫬閒關三千里歸閩卜葬兩世撫瑛慈而善教瑛未冠遊庠爲名諸生

福建列女傳

節烈 閩縣

三

福建通志
總卷四五

鄭氏吳文標妻夫亡絕粒欲殉翁姑切勸諭之強留殘喘奉親撫孤竭力女紅以供甘旨孫紹驄乾隆己卯副貢

曾氏諸生吳士泰妻視夫歿畢潛飲毒姑覺救之乃拮据爲夫弟娶婦取其子爲夫後

王朝使吳元暉妻夫卒無子僅一女爲夫立後撫女嫁配

林氏太學生吳鑑妻夫歿撫遺腹孤課督成立

林氏吳積樞繼妻夫疾刲股療夫不效完節終

葛氏黃宗望妻夫亡念翁無依不卽死翁歿營翁姑及夫葬艱貞苦守

王氏諸生黃志輔妻幼通孝經小學歸黃勤紡績以助膏火夫卒孤幼氏竭力孝養翁姑訓子力學有成

林氏黃紫善妻夫歿經營窳窳立嗣承祧翁姑脩隨之奉皆其女紅所出

王氏黃元麟妻夫歿無子依姑爲命姑病虔侍湯藥者三年姑歿卧柩旁者七載

吳氏中書黃儷一作鑣妻二十七寡上事翁姑下撫二子長孫琯亦早卒孫

婦王氏事姑撫子能嗣祖姑徽音

陳氏國學生黃宸謨妻夫歿撫幼孤亮疇惠疇兼營翁姑葬事盡禮

葉氏黃守謀妻夫歿勵節撫孤

林氏黃祥遇妻夫歿茹藥持家躬操井臼織機訓子名列膠庠

翰氏周潤妻夫歿食貧矢志勤紡績撫孤兒

江氏余子明妻二十寡事耄姑盡孝撫孤成立

劉氏余成名妻夫亡事姑撫子

張氏貞余天上妻夫歿以藐孤在不卽殉孤長復天氏堅欲自盡以姑勸

止侍姑病日夜不怠

陳氏游君禧妻夫往湖廣省父病歸氏刲股和藥卒不起投繯者三姑勸

止之

嚴氏蔡克明妻寡時孤生甫七月家貧自減餐而以甘旨奉姑歿執喪盡

福建列女傳節烈

閩縣

古

福建通志
總卷四十五

禮子亦克底有成

謝氏蔡文績妻夫歿無子依節母楊氏女紅度日

張淑姚兆亮妻夫死無子守志養姑姑歿殯斂皆獨力拮据

陳氏姚得一作宏

珍妻早寡矢志撫孤

甘氏鄧得主

一作生

妻遺孤六月氏矢志撫育事翁姑盡孝

汪氏鄧文騰妻撫孤經書皆口授兄斌宰海陽憫其窮迎致之至數月曰

非吾兒讀書處也慨然歸安貧課子寒暑不輟卒成子名

徐從蘭諸生喜得我妻喜書史事舅姑孝夫卒藐孤四人榜楫標楷皆幼

氏泣曰吾死易如姑老子幼何乃篝燈課子戊子兵荒族眾聚食者數十

人鄰右以無炊者給升斗釜鍾而去

蕭氏葛開祥妻夫歿於外氏欲以身殉因念夫臨危遺囑立嗣乃忍死擇

立孝養適姑死葬禮教育嗣子及長授室嗣復夭與媳張氏撫孫

郭元謹儒士官居鼎裏夫歿投繯者再吞金者三皆以救甦翁姑勸以存

孤郭泣曰殉夫婦志也大人冀留一線敢不從命越四月舉一男
陳氏諸生官仁妻夫死事舅姑撫幼子

金氏胡國濬妻夫亡撫二歲孤紡績資生

連氏胡于洛繼妻夫亡事翁姑以孝前室二孤賴其撫養成立

鄭氏國學生史爇妻力貧孝事舅姑撫三子成立長鴻基入成均季聖端
登武科

周氏甘嘉雨妻夫歿絕粒旬日既念四孤無依強留視息撫育成立子昌
瀚昌滙俱列成均孫華錫領甲辰鄉薦

馬氏國學生蒲世麟妻夫歿事姑育子

游氏季元卿妻夫亡事舅姑撫孤子

李氏杜輝然妻夫卒氏欲死殉父母諭以姑老孤幼乃撫週歲兒養老姑
薛氏諸生高登錦妻福清人夫病篤封臂肉和糜以進不效自經者再舅
姑諭以二孤在襁乃從命終身茹素二子有成

福建列女傳節烈 閩縣

五

福建通志
總卷四五

林氏高翹檇妻夫隨翁任所氏家居親操井臼奉太翁及姑夫歿而太翁
及姑繼之脫簪珥以營祭葬撫四歲孤教誨底於成人孫藍珍乾隆丙午
舉人官知縣

林氏高得洋妻夫患瘵將婚而病革民慨然往歸夫亡以夫兄子爲嗣

陳朗馨梁道敷妻道敷早世遺孤始晬氏投繯者屢後從翁姑撫孤之命
姑病篤封肉和羹以進愈之孫其光已酉亞魁

黃氏諸生邵文光妻夫疾篤囑曰家貧孤幼惟汝是依氏截髮以示信

陳球玉諸生邵天麟妻夫歿未有子立夫兄次子鞏爲嗣紡績撫養篝燈
課讀鞏聘洪氏鞏復天女守未婚之節

周氏邱醇妻夫疾篤封股和藥以療不效事毫姑撫孤子以節終

林氏邱國祿妻孀守紡績以奉姑嫜撫後嗣慈而能教

何珠官翁長邁妻夫卒投繯欲殉以救免孝養舅姑擇夫姪國章爲嗣撫
育督課迄於有成國章及孫大臻俱庠生

李氏翁學射妻夫逝撫遺腹孤廷弼女紅度日教育有成

任氏翁賢豪妻少廢且貧姑勸子得痼疾氏抱持孝養及舅姑歿夫弟正芳繼亡與妯同守苦志勤女事自給不受人調

陳氏董孔亮妻孔亮歿子文德娶婦陳氏四載文德復亡姑媳相依以終黃氏沈學源妻撫遺腹孤秉鈞成立孫子舉登嘉慶戊午鄉榜

李燦官董景明妻夫卒忍死撫諸孤迄於成立

任氏董養浩妻夫歿孀守刲股療姑疾

陳氏董啟進妻子文駒進士福寧教諭

葉氏金極妻夫亡家貧孝事舅姑力撫二子

李氏施協恩妻夫亡奉姑嫜撫藐孤

何氏薛廷佐妻廷佐病瘵亡不欲生以遺孤在腹勉從族勸既而生男家計蕭條上奉二老下撫遺孤翁姑終喪葬皆從十指中出玄孫朝標進士

李氏許宗茂妻宗茂從征林爽文陣亡

福建列女傳 節烈 閩縣

六

福建通志
總卷四五

林春使郭均妻夫卒姑年逾七旬孤甫七月氏養姑哺兒自奉常缺紳士欲爲請旌不許

蔡氏諸生郭文芳妻夫卒方孕數月哀毀不欲生姑慰諭之乃止竭力奉養撫遺孤成立未幾孤卒復撫孫有成

鄭氏曾孫驥妻驥邁疾氏鬻釵珥以供醫藥又刲股以進夫歿辛劬撫孤以至有成子思謙占魁俱國學生

紀氏蔣遷妻撫夫姪廷璣以繼夫嗣

王雅宋莊京守妻東守卒子宗洙幼氏撫遺孤卒底成立

林淑齋莊篤培妻舅爲萬州守以辦賑卒於塗篤培哀戚得癰症姑陳氏亦憂鬱痼疾支牀氏奉醫藥不懈旋遭姑與夫喪措理皆如禮遺子週歲

女紅自給以姑及夫柩未葬泣血告天積至十餘年乃克歲事

朱氏龔繼嘉妻夫闕疾既娶卽出外不返氏勤十指自食夫死姑知其猶處女也相持慟哭爲立嗣

鄭氏丁淑珠繼妻撫孤成立不幸子聚康暨孫同書俱早亡唯節孫婦藍氏及曾孫二人晨夕相依

潘守素孫大樽妻幼通論語及孝經列女傳夫亡遺腹孤與瑞紡績撫養及曾孫德樹生氏始卒臨終有句云敢道苦心天不負眼看四代送子歸林氏鄒嘉伍繼妻與妾鄭氏姑楊氏稱三節

黃氏藍廷獻妻夫疾刲股以療不效完節終

陳氏外委唐起龍妻起龍奉檄赴泉被害與妾馬氏以節終

陳瑞玉江位三妻夫病篤刲股以療尋愈越兩載疾復作復刲股療之竟不起力貧以養舅姑撫遺子

董月官江一龍妻夫病革囑之曰吾有老母幼姪無恃且先世未葬汝其勉之矢志養姑撫孤營瘞五棺爲夫姪畢婚

陸氏徐邦楷妻邦楷家極貧讀書積勞卒臨終謂氏曰予不孝不能事吾母汝能奉姑吾目瞑矣氏泣受命姑病氏籲天減年割臂和藥以進

福建列女傳節烈 閩縣

七

福建通志
總卷四五

方氏利朝和妻夫歿遺腹一孤不育家貧奉姑孝謹姑歿依寡姊以居周氏宣洪祚妻夫歿勤女紅奉姑拮据營葬兩世

吳氏聶國書妻奉翁姑撫兩孤成立

蔡氏林國瑾未婚妻許字國瑾未婚夫卒氏編素歸林立嗣子而撫之凌雲入郡庠有學行

李定宋林秉寬未婚妻約婚秉寬未幾夫卒母恐其殉也祕之越數載有求婚者至駭而問之則夫死已久矣定宋撫膺大慟奔赴夫家不肯歸立嗣撫之成立

翁瑞玉林大志未婚妻許字大志大志卒卽潛咽金屑以救甦復投繯父母力勸之乃素服往林守貞

鄭氏林世澄未婚妻聞訃奔喪不返立嗣守貞

張淑貞林搏宗未婚妻幼學吟有梅花有骨自禁冷之句及笄聞夫訃請奔喪泣曰此去非母大故不返矣後聞母疾革刲股肉爲劑緘致之寒食